



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Constitutio confirmatoria statutorum ordinationum, & Decretorum in
Prouinciæ Conc.j. Mediol. confectorum ad Cleri mores reformandos, & alia.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

tenus eis attributam. Volumus autem quod presentes literæ, ad vilias Basilicæ beati Petri Apostolorum Principis, & in Cancellaria nostra, ac acie Campi Floræ publicentur, & inter Constitutiones extraneas perpetuò valituras conscribantur. Et quia difficile foret presentes, ad singula quæcumque loca deferri, volumus, & etiam declaramus quod earum Transumptis etiam impressis manu alicuius Notarij subscriptis, ac sigillo alicuius Prælati munitis eadem prorsus fides vbi-cumque adhibeatur, quæ presentibus adhiberetur si forent exhibitæ, vel ostensæ. Nulli ergo omnino hominum liceat hanc paginam nostre approbationis, innouationis, statui, decreti, mandati, interdicti, prohibitionis, annullationis, præcepti, inhibitionis, requisitionis, obsecrationis, iniunctionis, derogationis, declarationis, & uoluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli Apostolorum eius, se nouerit incursum. Dat. Romæ apud S. Petrum anno Incarnationis Dominicæ, Millesimo Quingentesimo, Sexagesimo sexto. Quarto Kal. Iunij, Pontificatus nostri anno primo.

Visa de Curia Io. Riuetius. ff.

Ce. Glorierius.
H. Cuny.

Constitutio confirmatoria statutorum ordinationum, &
Decretorum in Prouinciæ Conc. j. Mediol. confessorum ad Cleri mores reformandos, & alia.

PIVS Papa V. ad perpetuum rei memoriam.



Inter omnes Apostolicæ seruitutis, nobis iniunctæ, sollicitudines, quæ mentem nostram incessanter exercant, illa frequentior occurrit, ut ordinationes & statuta, quæ circa iamdudum labascentis, & penè conuulsæ disciplinæ Ecclesiasticæ restitutionem prudenter edita fuisse cognoscimus, ab omnibus ipsius Ecclesiæ ministris obedienter recipi, & indifferenter obseruari procuremus. Cum itaque, sicut accepimus, nuper in Prouinciali Synodo Mediolanensi, Dilecto filio nostro, Carolo tit. sanctæ Præxedis Presbytero Cardinali Borromeo nuncupato, qui Ecclesiæ Mediolanensi ex concessione & dispensatione Apostolica præesse dignoscitur, illi præsidente, quamplura saluberrima statuta, & decreta, ad mo-

res dilectorum filiorum Cleri secularis totius Prouinciae Mediolanensis reformandos pertinentia, & praesertim honestatem, decorum, reuerentiam, ornamenta Ecclesiarum, necnon locum, tempus, modum, aliasque circumstantias in Ecclesiarum, sacramentorum administratione, Missarumque celebratione obseruanda, ac sepulturas, funeralia, processiones, uerbi Dei conciones, seu praedicationes, representationes, & picturarum decencies, uita honestate, frugalitatem, morum correctionem, & moderationem, Archidiaconi, & alia ad scripturarum, iurium, & aliorum bonorum Ecclesiasticorum conseruationem, necnon fructuum, reddituum, & prouentuum Ecclesiasticorum dispensationem pertinentia, non minus religiose, quam sapienter ordinata fuerint. Quae cum non solum licita, & honesta, sed etiam Ecclesiae Dei plurimum utilia & appime laudabilia existant, ab omnibus Dei ministris equaliter expedit obseruari. Hinc est, quod nos bonum ciuem utilitati, honestati, & Reipublicae nunquam refragari, sed sanctis patriae legibus libenter obtemperare debere considerantes, ac totos statutorum, & decretorum praedictorum documentorumque, desuper confectorum & inde sequutorum tenores, de quibus plenam, & districtam informationem a praefato CAROLO Cardinale oratenus nobis factam accepimus, praesentibus pro sufficienter expressis habentes, Motu proprio, & ex certa scientia nostra, omnia & singula statuta, ordinationes, & decreta, in Prouinciali Synodo Mediolanensi sic, ut praefertur, edita & publicata, ac pro ut illa concernunt, alia in dictis documentis contenta, in omnibus, & singulis Ecclesijs, Monasterijs, Prioratibus, Praeposituris, Hospitalibus, & alijs pijs locis Ecclesiasticis, secularibus, uel etiam regularibus, commendatis, etiam nobis, & Apostolicae sedis immediate subiectis, etiam nullius diocesis, aut aliter quomodocumque exemptis, in uniuersa Prouincia praedicta constitutis, ac per quoscumque earundem Ecclesiarum & locorum Praelatos, Abbates, Priores, Praepositos, Rectores, Superiores, Ministros, Capitula, Canonicos, ac personas seculares, aut illa ex concessione, uel dispensatione Apostolica in commendam, aut administrationem obtinentes, etiam si dictae Sedis Notarij Acoluthi, Capellani, ac Romanae curiae officiales, etiam officia sua actu exercentes, etiam familiares nostri, & continui commensales, etiam veri & antiqui, aut aliam in nostris, seu Venerabilium fratrum nostrorum sanctae Romanae Ecclesiae Cardinalium, & praedictae Sedis seruitijs & obsequijs insistentes, existant, quos omnes ratione beneficiorum quoruncumque personalem residentiam requirentium, in dicta prouincia per eos quomodolibet obtentorum, & obtinendorum, sub sententijs, censuris, & penis a Concilio Tridentino alijsque sacris Canonibus contra non residentes latis & impositis, ad personalem residentiam districtè per locorum Ordinarios, seu eorum in spiritualibus Vi-

carios

carios generales dictae provinciae eogi & compelli volumus, nec eis
 constitutionem se. re. Papae IIII. praedecessoris nostri in fauorem cu-
 rialium dictae Sedis editam aut quaecumque priuilegia & indulta Apo-
 stolica etiam per nos ad id illis in genere, vel in specie quomodolibet
 concessa desuper suffragari intelligimus, vel alias quomodolibet exem-
 ptos, ac nobis, & dictae Sedi, vt praefertur, immediate subiectos, etiam
 si nullius diocesis esse dicantur: dummodo tamen de praedicta pro-
 uincia existant, cuiuscumque dignitatis, status, gradus, conditionis &
 praeminentiae fuerint, in omnibus, & per omnia integre, ac sub sen-
 tentijs, censuris, & poenis, in eis forsitan contentis, recipi, & admitti,
 obseruari, praestari & debitae executioni demandari, nec quempiam se
 ab eorum obseruatione, cuiusuis exemptionis, immunitatis, priuilegij,
 vel alio praetextu excusare debere auctoritate Apostolica tenore praesentium, perpetuo statuimus, & ordinamus: dictaque provincialia sta-
 tuta, ordinationes, & decreta ad Ecclesias Monasteria, & alia loca, ac
 eorum Superiores, Capitula, & alias personas saeculares huiusmodi ex-
 tendimus, & ampliamus: Vniuersis earundem Ecclesiarum, Monaste-
 riorum, Prioratum, Praepositarum, aliorumque locorum Praelatis,
 Superioribus, & Capitulis praedictis in virtute sanctae obedientiae di-
 stricte praecipiendo, mandantes quatenus eadem provincialia statuta,
 ordinationes & decreta iuxta eorum formam & tenorem in suis Ec-
 clesijs, Monasterijs & alijs locis publicent, & publicari, ac per eorum Ca-
 pitula, canonicos aliasque personas saeculares huiusmodi integre ob-
 seruari faciant, alioquin si super hoc per locorum Ordinarios monti
 in praemissorum executione & obseruatione cessauerint, illam locorum
 Ordinarij distulerint, seu alias neglexerint, ipsum Metropolita-
 num vel generalem eius in spiritualibus Vicarium negligentiam seu
 dilationem dictorum Ordinariorum omnino supplere volumus, com-
 mittimus & mandamus; necnon eosdem Superiores, Praelatos, ac Com-
 mendatorios, Capitula, Canonicos, & personas saeculares praedictas ad
 praemissorum omnium obseruationem teneri & efficaciter obligatos
 esse, censurisque & poenis tam ecclesiasticis, quam pecuniarijs praefati
 CAROLI Cardinalis, ac pro tempore existentis Archiepiscopi Me-
 diolanensis, aut eius in spiritualibus Vicarij generalis arbitrio, mode-
 randis, & applicandis, ad id compelli posse. Sicque per quoscum-
 que Iudices & Commissarios etiam sanctae Romanae ecclesiae Cardi-
 nales, sublata eis & eorum cuilibet quauis aliter iudicandi & interpre-
 tandi facultate & auctoritate, iudicari & diffiniri debere; ac quicquid
 super his secus a quoquam quauis auctoritate scienter vel ignoranter
 attentari contigerit, irritum & inane decernimus. Non obstantibus
 exemptionibus & immunitatibus alijsque praemissis, necnon Eugenij
 Papae

Papa IIII. prædecessoris huiusmodi in fauorem Curialium dictæ sedis edita, alijsque constitutionibus, & ordinationibus Apostolicis, necnon ecclesiarum & locorum prædictorum iuramento, confirmatione Apostolica, vel quavis firmitate alia roboratis, statutis, consuetudinibus, priuilegijs quoque, indultis, & litteris Apostolicis illis, eorumque Prelatis, Capitulis, Superioribus, & personis alijsque præmissis sub quibuscumque tenoribus, & formis, ac cum quibusuis etiam derogatorijs derogatorijs, alijsque efficacioribus & insolitis clausulis irritantibusque & alijs dectetis etiam iteratis vicibus, etiam per nos quomodolibet concessis, approbatis, & innouatis. Quibus omnibus etiam si pro illorum sufficienti derogatione, de illis, eorumque totis tenoribus specialis, specifica, expressa & indiuidua, ac de verbo ad verbum, non autem per clausulas generales, idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita obseruata, inserti forent, præsentibus pro sufficienter expressis habentes, illis alijs in suo robore permanens, hac vice dumtaxat specialiter & expressè derogamus, cæterisque contrarijs quibuscumque. Dat. Romæ apud Sanctum Petrum sub annulo Piscatoris die vi. Iunij. M. D. LXVI. Pontificatus nostri Anno Primo.

Cę. Glorierius.

Constitutio qua Regulares quicumque iubentur obseruare in Concilio primo Prouinciali Mediolan. confecta ad honestatem, decorum, reuerentiam & ornamenta Eccl. &c.

P IV S Papa V. ad perpetuam rei memoriam.



Nter omnes Apostolicæ seruitutis, nobis iniunctæ, sollicitudines, quæ mentem nostrâ incessanter exercent, illa frequentior occurrit, vt ordinationes, & statuta, quæ tam in Generalibus, quam Prouincialibus Synodis, circa iam dudum labascentis, & pene conuulsæ disciplinæ Ecclesiasticæ restitutione prudenter edita fuisse cognoscimus, ab omnibus ipsius Ecclesiæ ministris obedienter recipi, & indifferenter obseruari procuramus.